



UNIVERSITÄTS-
BIBLIOTHEK
PADERBORN

**LEGVM PON||TIFICIARVM GRE-||gorij noni, seu
Decretalium pentateu-||chus**

Mesnart, Martin

Parisiis, 1555

xvi. De deposito.

[urn:nbn:de:hbz:466:1-63486](https://nbn-resolving.org/urn:nbn:de:hbz:466:1-63486)

Lib. III. Tit. XV. & XVI. 110

cantor. Nemo successor antecessoris sui pœna obligatus esto.

Precarium quandiu patietur qui concesserit ^{3. Precarium.} tamdiu vtendum conceditor. Eius cui concessum fiet, non etiam concedentis obitu, aut cum ipsum alicui hoc reuocare volēti alienatum erit soluitor. Per conuentionem huiusmodi res aliena inuito domino ne possidetur. At quæ precariæ de possessionibus ecclesiarum factę erūt pro voluntate concedentium ne reuocantor.

Hæ autem de quinquennio in quinquen- ^{1. Precaria.} nium renouantor.

De Commodato. Tit. 15.

CUM gratia sui tantum quis commodatum ^{1. Cum gratia.} accepit, etiam de leuissima colpa tenetur.

Casus autem fortuitus, ni culpa eius acciderit, pactumve interuenerit, aut in mora fuerit, ipsi ne imputator. Contra eum nisi post usum expletum cuius gratia res commodata fiet commodati ne agitor. Sic homines hominum beneficio iuuantor, non decipiuntor.

De Deposito. Tit. 16.

SI cuius ecclesię clericus personę non eccle- ^{1. Grauis.} się commendatam pecuniam clepserit, rapserit: aduersus eandem ecclesiam, ni in eius utilitatem conuorsa fiet, ad pecuniam restituendam nulla actio esto. in ipsum furem agitor. ipse sub quęstionibus ad rationem ponitor. si oportebit,

De empt. & vend.

vinculis adligatus reddere compellitor.

2. *Bona fides.*

Depositarius si rebus suis saluis existentibus depositas amiserit: bona fides abesse præsumitur. Idē, si seipsum deposito obtulerit, aliquid pro ipsa custodia recepit, de culpa quoque tenetur. Si verò pactū, culpa, morave præcesserit casus etiam fortuitus olli imputator. Depositori pro voluntate sua depositum reuocare licet. Contra hoc nullus cōpensationi locus esto, hec in aliis, si causa ex qua postulabitur liquida erit, & facilem exitum habere credetur, admittitur.

De Emptione & Venditione. Tit. 17.

2. *Vt mensura.*

NVNC & de contractu emptionis & venditionis tractator. Quæ vt bona fide exercetur, omnes iusta pondera & mensuras habent. Si quis ea easve lucris ergo mutasset: 30 dies in pane & aqua pœniteto.

1. *Placuit*

Item presbyteri plebes suas, vt & hospitales fient, & non carius vendant quàm in mercato possent, admonent. Alioquin transeuntes ad presbyterum istuc referuto. Illius iussu cum humanitate res ollis vendunt.

4. *Peruenit.*

Quam rem vir vxori donationis titulo propter nuptias concesserit, si eadem consentiente vendiderit: hic emptori iustus possessionis titulus esto. Si per annos triginta constante venditorum matrimonio bona fide sic possederit, & in cōmuneis vsus viri & vxoris venditionis pretium conuorsum erit, & venditionis tempore in viri facultatibus vnde mulier sibi consulat ex-